



ODA E AVOKATËVE TË KOSOVËS
ADVOKATSKA KOMORA KOSOVA
KOSOVA BAR ASSOCIATION

Në bazë të nenit 21. par. 1 dhe 41, par. 3 pika 3 e Ligjit nr. 04/L-193 për avokatinë "Gazeta zyrtare e Republikës së Kosovës" nr. 20 të dt. 31 maj 2013, Kuvendi i Odës së Avokatëve të Kosovës në Prishtinë në seancën e dt. 16.11.2013, bie këtë

RREGULLORE PËR TARIFEN E AVOKATËVE

I. DISPOZITAT E PËRGJITHSHME

Neni 1.

Me këtë Rregullore përcaktohen pagesat e honorarit dhe kompensimin e shpenzimeve për punën e avokatëve.

Neni 2.

Kur avokati punën e kryen jashtë vendit, mundet që shpërblimin dhe kompensimin e shpenzimeve të e inkasojë sipas tarifës së avokatëve të atij vendi.

Kur avokati kryen punë për subjektin e huaj fizik apo juridik, mundet që shpërblimin dhe kompensimin e shpenzimeve t'i kryejë sipas kësaj Rregullore apo sipas dispozitave respektive të avokatëve të vendit prej nga e ka origjinën subjekti për të cilin avokati e kryen punën.

Dispozitat për pagesat e honorarit dhe kompensimin e shpenzimeve për punën e avokatëve të vendit të huaj mund të aplikohen edhe te subjekti fizik apo juridik vendas, nëse atij puna duhet t'i kryhet në vend të huaj.

Pagesat e honorarit dhe kompensimin e shpenzimeve për punën e avokatëve të vendit të huaj avokati mund të e aplikoj edhe në rast se përfaqësimin e bënë në botën e jashtme në formën e shkruar.

Neni 3.

Nëse avokati për subjekt juridik apo fizik është i angazhuar për përfaqësim apo mbrojtje dhe për kryerje e shërbimeve nga lëmi juridik në mënyrë të përhershme, me klientin e tillë mund të lidhë kontratë për përfaqësimin dhe shpërblimin në lartësi mujore paushalle.

Neni 4.

Pavarësisht dispozitave tjera të kësaj tarife, Avokati dhe Klienti ose personi i autorizuar mund

të kontraktajnë shpërblimin për shërbimet e Avokatit dhe shpenzimet shoqëruese me marrëveshje të lirë ndërmjet tyre.

Marrëveshja sipas paragrafit paraparak zbatohet në bazë të:

- a. Marrëveshjes me shkrim ndërmjet Avokatit dhe Klientit ose personit të autorizuar, apo
- b. Faturës së lëshuar nga Avokati.

II. KOMPENSIMI I SHPENZIMEVE

Neni 5.

Për punën e kryer jashtë selisë së zyrës avokatit, avokatit i takon kompensimi për shpenzime të udhëtimit, kompensimi për shkak të mungesës në zyrë si dhe shpërblimi.

Avokatit i takon:

- a. për udhëtim në relacionet ndërrurbane, në lartësi të biletës së udhëtimit,
- b. për udhëtim në relacionet urbane, në lartësi të autotaksive,
- c. për përdorimin e automjetit personal në lartësi të 30 % të vlerës së karburantit më të shtrenjtë për 1 km. të kaluar,
- d. për mungesën nga zyra, avokatit i takon kompensimi në lartësi të shumës prej 25 % të kompensimit të paraparë me këtë tarifë.

Shpërblimi dhe shpenzimet e fjetjes, avokatit i pranohen në lartësi siç parashihet me dispozita ligjore për gjyqtarët e gjykatave themelore.

III. PAGESA

Neni 6.

Pagesat, në parim bëhen me para të gatshme ose përmes llogarisë bankare.

Avokatit, sipas marrëveshjes me palën, mund t'i bëhet pagesa edhe para kryerjes së punës. Avokati ka të drejtë që të kërkoj paradhëdhënie.

Avokati ka të drejtë që shumat e shpenzimeve nga neni paraparak i kësaj tarife t'i inkasojë që më parë.

Me kërkesë të palës, me rastin e pagesave, avokati është i detyruar që t'ia lëshojë dëftesën e shumave të inkasuara.

Neni 7.

Shpërblimi për punën e kryer përcaktohet sipas tarifës në fuqi apo asaj që ka qenë në fuqi në kohën kur është kryer puna. E drejta për të përcaktuar se cila tarifë do të aplikohet, ajo e kohës kur është kryer puna apo kur kryhet pagesa, i takon avokatit.

IV. SHPËRBLIMI PËR PUNËN E AVOKATIT

1. PROCEDURA PENALE

Mbrojtja e të pandehurit/akuzuarit

Numri tarifor 1.

Për mbrojtjen e të pandehurit/akuzuarit, për çdo ditë të asistimit në shqyrtimin fillestar dhe shqyrtimin e dytë, në shqyrtimin gjyqësor, asistimit në procedurën paraprake, seanca dëgjimore, procedurën përgatitore të të miturit, asistimi në shiqimin në vendin e ngjarjes, në rikonstruktime, ekspertime, azhurnimi i çështjes dhe në të gjitha veprimet të cilat zbatohen jashtë ndërtesës së policisë, prokurorisë apo gjykatës, avokatit i takon shpërblimi:

- për çështje penale nga kompetenca e Departamentit të përgjithshëm në Gjykatës themelore, shpërblimi në lartësi prej 120 €.

- për çështje penale nga kompetenca e Departamentit të krimeve të rënda në Gjykatës themelore, për vepra penale ku parashihet denimi deri në 10 vjet burgim, në lartësi prej 120 €.

- për çështje penale nga kompetenca e departamentit të krimeve të rënda të gjykatës themelore dhe për vepra penale ku parashihet denimi me mbi 10 vjet, në lartësi prej 200 €.

Për proceset e caktuara që nuk mbahen, përkatësisht të shtyra pa fajin e avokatit, avokatit i takon shpërblimi prej 50 % të shumave të lartcituara.

Përfaqësimi i të dëmtuarit

Numri tarifor 2.

Për përfaqësimin e të dëmtuarit, avokatit i takon shpërblimi i përcaktuar me numër tarifor 1 (një).

Përpilimi i parashtresave penale

Numri tarifor 3.

Për përpilimin e kallëzimit penal, avokatit i takon shpërblimi sipas bazave fillestare të përcaktuara me nr. tarifor 1. (baza).

Për përpilimin e të gjitha parashtresave të tjera në procedurën penale, avokatit i takon 50 % i shpërblimit të përcaktuar në paragrafin paraprak të këtij numri tarifor.

Mjetet juridike në çështje penale

Numri tarifor 4.

Për përpilimin e mjeteve juridike, avokatit shpërblimi në lartësi të dyfishit të paraparë sipas nr. tarifor 1. (baza).

Numri tarifor 5.

Për përpilimin e anksës kundër aktvendimit për caktimin apo vazhdimin e paraburgimit apo kundër aktvendimit për refuzimin e kërkesës për rishikimin e procedurës, avokatit i takon shpërblimi në lartësi të numrit tarifor 1 (baza)

1. PROCEDURAT E TJERA

Përpilimi i parashtresave

Numri tarifor 6.

Për përpilimin e parashtresave me të cilat inicohet zhvillimi i cilës do procedurë para gjykatës apo organit tjetër, avokatit i takon shpërblimi sipas vlerës së çështjes juridike, si:

- për çështje juridike, vlera e të cilave nuk kalon shumë prej 100€, shuma prej 60€ (baza)
- për çështje juridike vlera e të cilave kalon shumë prej 100€, shuma prej 80€ (baza),

Për përpilimin e përgjigjes në padi, prapësimit në aktvendim për lejimin e përbarimit apo të masës së sigurisë apo masës së përkohshme dhe parashtresave të tjera të arsyetuara të cilat përbëjnë pretendime lidhur me faktet dhe ligjin, avokatit i takon shpërblimi si në alinenë 1. të këtij nr. tarifor.

Nëse më shumë kërkesa kumulativisht janë përfshirë në një padi apo propozim, avokatit i takon shpërblimi i plotë për parashtresën e përpiluar dhe rritja për 50 %.

Përfaqësimi në seanca për çështje civile dhe të tjera

Numri tarifor 7.

Për përfaqësim në seanca për çështje civile dhe të tjera avokatit i takon:

- për çdo seancë shpërblimi i përcaktuar si për parashtresa, siç është paraparë në numrin tarifor 6. për parashtresat inicuesë,
- për çdo seancë të shtyrë, shuma prej 50 % të shpërblimit nga paragrafi paraprak e këtij numri tarifor.

Shpërblimi si në paragrafi 1. të këtij numri tarifor, avokatit i takon edhe për azhurnimin e çështjes, asistim me rastin e ekspertimit, shikimit në vendin e ngjarjes, përkatësisht veprimet procedurale që ndërmerren jashtë ndërtesës së Gjykatës.

Përfaqësimet në procedurat e tjera.

Numri tarifor 8.

Në çështjet e kontesteve ekonomike, tregtare, administrative, në çështjet administrativo-fiskale, doganore apo para bordeve përkatëse aplikohen shpërblimet në lartësitë e përcaktuara me nr. tarifor 6. dhe 7.

Për mbrojtjen e të pandehurit në procedurën disiplinore apo kundërvajtëse, avokatit i takon shpërblimi në shumë prej 60€.(baza).

Mjetet juridike

Numri tarifor 9.

Për përpilimin e mjeteve juridike, avokatit i takon shpërblimi i dyfishuar nga shpërblimi i paraparë për parashtresat me të cilat inicohet procedura (për padi, kërkesë, prapësim etj.).

